

法苑珠林卷五十一目

道	恣	通	蘊	智	潤	海	津	本	誓
妙	因	通	容	聽	月	宗	衍	衍	燃
盤	銘	圓	信	德	介	妙	明	元	興
德	良	海	雲	定	兩	正	瑞	元	迴
洪	音	覺	順	海	鷗	與	一	晷	荃
水	定	石	銘	寶	善	頓	聞	佛	彥
明	慧	實	昌	寶	慧	明	彼	定	含
粹	白	清	懿	靈	湛	性	仁	明	敦
明	濟	佛	眉	源	瀚	天	曉	傳	心
南	潛	思	文	覺	際	月	聞	雪	訪
禪	一	際	祥	律	月	達	宣	達	受

清	恆	際	因	了	學	秉	誠	露	文
天	寥	達	純	秉	融	覺	清	漢	兆
與	宏	古	風	顯	舟	起	信	法	舟
達	鑑	德	山	符	守	理	統	德	全
卞	懷	德	月	徹	凡	毓	金	善	培
達	源	大	川	禪	慧	省	空	凌	虛
覺	成	光	定	密	源	念	靜	達	真
蔭	在	妙	蔭	祖	江	無	言	回	光
孫	貞	一	水	上	善	蔡	敬	一	黃
									鶴
									王
									喬
									年
沈	青	藜	張	謙	周	道	昱	沈	鶴
									懷
									郭
									長
									彬
賀	炳	穆	清	風					

兩浙輶軒續錄卷五十一

督學使者潘衍桐訂

道忞

字本陳號山翁廣東潮州人本姓

繼席天台童順治己亥為天童密雲悟禪師法嗣悟示寂遂

詔徵

宏覺禪師

續鐘存案忞禪師幼沈毅有以慧讀書目下五行及冠

棄弟子真走匡廬投若昧雜染參憨山清又參天童於

石瀨山房詩話山翁少為請生既而棄儒服走匡廬參

天童倍禪師付法遂繼席移主金粟等刹晚年開法會

世祖

馬廣良曰謹案化鹿山傳鐙寺尊藏

純素穆穆覆額面成短圓須亦無一元莖壞色衣卷袖

御傳

卓藤杖過頂尺有咫履足隱跣標題

帝手

一作僧結云怎見吾師無量相直教

壞神靈實或守護獨無

御筆款識印章蓋

放勳克讓通方西聖游戲三昧知不當與侍從諸臣

賜墨同日

語也

緝雅堂詩話孫教諭德祖為余言會稽傳鑑禪寺為恣
公開山道場先是為平陽道觀故亦曰平陽寺

御墨樓尊藏

御賜聯文室宜春到雲堂愛日臨十字

御書名香清梵匾額一方竝

聖祖仁皇帝奉

聖母南巡時所

賜又有絲繡千佛袈裟一領四天王坐具一條相傳欽奉

懿旨頒賜至今永鎮山門借聞之較晚未獲恭詣展禮然

奎藻球圓足使萬壑千巖含輝亙古矣

靜坐一首

心裏一塵滅窗前初月涼
念茲功德水焚我知見香
春去花暗落人閒蜂自忙
千年幾雜預猶有說黃梁

絕學聰禪師

一闕把定古山河三尺龍泉未用磨
無限飛鴻驚不度華山

仙掌自嵯峨

通蘊

字靈章仁和泉亭山僧著巢枸集

寄周青士

作詩賣米周青士白業還能精進無忽憶歲朝風雪裏扁舟訪我到西湖

智潤

字雲濤仁和廣嚴寺僧

廣嚴寺

煙雨前朝寺巍然丹碧居水香浮貝葉花綻映金蘂松憩元公錫碑橫隋氏書千年興廢蹟祖道慨秋餘

海津

字石眼仁和月華寺僧

沈去矜居士過訪

精舍三閒雲半屋長松百尺鶴千年東林香火開蓮社流水

桃花泊釣船得句要除蔬筍氣談禪先斬葛藤緣攢眉竟屈
淵明過黃葉聲中聽煮泉

本哲字山曉四川成都人仁和淨慧寺僧

春去感賦

巖壑厭躋攀蕭然靜掩關難留是白日無恙贖青山聽雨驚
花落看雲羨鳥還輕肥幾年少誰似老僧閒

妙因字大拙仁和月華寺僧

雪中

密梅花發香滿林林梢撲簌下凍禽地爐煨芋嬾不出臘雪
竹根三尺深

通容字費隱福建福清人本姓何仁和徑山寺僧

杭郡詩續輯費隱少孤十四離俗久依雲門次參壽昌
梅山後謁天童悟禪師戲其契洽隨赴黃葉釋篋印記

送繼席次移溫之法通武原金粟明州天章雲霞超果
語水福嚴抗之徑山虞山維摩鹽城永甯燕之堯峰凡
十刹最後示寂福嚴當順治辛丑生于萬曆癸巳年
六十九嗣法弟子六十四人奉遺骨塔于黃檗山

遊鼓山

巖上草色肥巖下水流急策杖上巖顛山空人獨立

登獅子巖絕頂

鳥道曲千尋峰頭結茅屋杳然出人閒獨立望天目

聽月

海甯人本姓查錢塘法相寺僧

許莊祥曰聽公故儒家子生天啟間弟兄凡六人世亂
家衰去而祝髮素工吟詠其詩集莫可考惟周東白東
軒雜鈔載五古一首其
弟亦依兄為僧號雪萍

登天目遇雨

荒山無道路雲氣隨我身漸覺笠簷重沾袂細如塵幽花齊

吐豔仙鳥羣相親泉石自太古耳目愈清新銀河忽倒瀉雲

際垂天紳可望不可卽對立峰嶙峋陣雲如奔馬歸雲如懸
鷄身立雲氣止看雲態彌真下山脚不襪細草藉如茵塵世
日方杲陰晴氣不均試將山中景說與山下人

宗衍

字濟水秀水人
仁和道果庵僧

覺照亭成金蓮園沈天門史遜圃三居士過此賦贈

斬竹架危亭就峰分半畝青山為屏障白雲作窗牖旁清泉

一泓道果泉澄觀了無垢定資供蠻茶蹋葉來吟友

行燃

字無淨平湖人錢塘靈
隱寺僧苦懷木庵詩草

吳振械曰無淨姓沈氏原名中柱字石臣崇禎庚
辰進士除吉水縣令晚為僧往來靈隱金粟間

重九

川靜晴郊迴山明宿霧收空庭來返照惆悵一登樓

盤銘

字明新
石門人

許仁杰曰巧居中晚真分魏晉殆非儿手可到顧名字皆取儒書而又有憂親慮國之語豈有爲而逃禪者耶其諱由爲錄則崇禎時人無疑乃鈔真僅存從廢紙中得之其亦幸而不至于漸滅與

舟中卽事

起止萍無蒂深知我亦浮且將山外眼徧閱水中秋月
在菱根出煙從草末收棲鴉將過客耿耿白蘋洲

幽居卽事

非人所能制自許著荒林以病爲良友因貧得浪吟豈耕
苔面土仍被草芽侵兔狡潛阿淺龜靈務穴深雪催梅燦戶鳥
倚月欺琴每證村郊事還承行腳心

圓信

字雪庭更字雪嶠別號青獅翁鄞人

朱彝尊曰雪公造詣淵微與天童悟禪師同爲禹門法嗣天童以巾拂付弟子一十二人再傳登獅座者多至六百七十八人居士不與焉雪公不付一弟子其居徑山書亭柱云孤雲住此中萬山拜其下又有句云三間

茅屋傍谿住兩扇竹窗
關月眠均瀟灑有致

沈園別李不器

衰柳無煙鳥不驚橫擔竹杖問歸程雲開嶂溼鞵根潤葉落
庭空山骨清別子河橋秋已暮尋詩花徑雨初晴他年忽憶
鐙前句拂塵重論去住情

早秋過朱子葵太守鶴洲草堂對雨分韻得飛字

方花礎潤晚涼歸隔浦蓮舟望漸稀林下自聞秋葉雨鐙前
亦有草蟲飛巡檐半溼黃藤杖倚檻重添白苧衣明發霽谿
新水下前村應沒舊漁磯

題畫

春風洗幽徑古樹生微香虎迹帶雲動亂峰迎夕陽

德介

字于石鄞縣天童寺僧著
竹窗彙四卷默齋彙一卷

雪中寄懷李岩樵果堂昆仲

澹然中自得清興亦何端
樹遠低于岸庭高幻作巒
移來忘鳥路坐處失苔斑
因憶幽谿裏高眠夢自安

送周篔堂

聞君行薊北我亦爲君思
尙有高堂在能忘春酒時
山深雲自遠松靜鶴還隨
好待梅花發遙寄一枝

姜西溟仇滄柱諸君子雪中過訪次韻

蒼蒼微月下林屋來叩寒扉
起暮鴉自擁地鑪煨樽榴更添
荷葉當袞袞裝疏簷冰柱聲方寂
獨樹雲堆枝欲斜竹榻尙堪
留信宿何妨晴雪問梅花

妙明

又名超明號松圃太平人本姓謝臨海峙山僧著松濤吟

陳王謨序略松圃大師幼岐嶷本文肅公孫尊人長侍先生感甲申之變命之從釋由是遠游參學妙證南宗

第一義歸乃卜築臨海城西之時山當事者重其品行延主天甯三經授講所拔皆祗林高足也

翠虛樓觀米南宮煙雨圖

危樓曲巷雙峰倚疏簾半捲幽人起窗南窗北皆青山長川
一帶滄江水主人自熱迷迭香裝界環緻圖畫張蒼茫但覺
生煙雨風來疑是游瀟湘片颿沙頭孤艇漾森森灌木橫谿
港波光瀕洞天影低濃雲潑墨殊形狀解衣盤礴豁心吟一
味新涼暑氣收愴然遐想與古會層崖圍處如深秋坐我邱
壑拓胷臆髣髴魚龍紛跳躑迷離不見長天光尺幅千里妙
難測襄陽之顛顛愈奇令人相對勞尋思便欲乘風過東海
月明寒影流天池

元輿字月庭號載堂四川成都人錢塘柏庵僧著雲間草

焦山

江海無波一鏡平
焦先隱此最知名
奔濤響接金山寺
陔壁陰連鐵甕城
姬代篆文傳古鼎
華陽鶴迹記仙卿
眼空三詔餘何有
兩漢乾坤落葉輕

德良

字以貞 福建甯化人 錢塘雲林寺僧 著谷聲詩集

登雪竇

扶藜宛擬上歐邱
孤頂平開一徑幽
煙鎖萬峰圍祖窟
瀑飛千丈吼神洲
松杉古翠侵毛骨
殿閣高寒接斗牛
最喜更闌風雨夜
鐘聲遠逐亂雲浮

海雲

字山耀 湖北江夏人 錢塘雲林寺僧 著菊村集

入匡山訪友

匡阜如何久未登
訪君路入白雲層
鐘聲響出前朝寺
石骨寒撐萬古藤
數煮碧泉淹夜話
頻燒紅葉代秋鐙
相逢知己

真難睡五老峰前日已升

定雨

字潤生號冰厓江蘇長洲人錢塘雲林寺僧

冷泉亭遲月

薄暮孤亭畔松風合澗秋龍橋人影息鷲嶺梵音幽月上遲
方得蛩吟久不休此時澹無慮星漢共悠悠

正瑞

字慧麟江西南昌人錢塘佛口寺僧著鶴峰藁

登韜光

一上韜光路幽篁鎖畫陰方池清漢出殘碣綠苔侵葉脫飛
晴雨山深噪暮禽斜陽引歸客寒韻滿空林

元迥

字異峰湖北武昌人錢塘雲林寺僧著采蘋草

過雲嶺庵

爲愛山堂靜層層入薜蘿方池深竹暗峻嶺亂雲多樵外無

人至林中有鹿過幽探情未已帶笠出松坡

洪音

字雲碩海甯人

吳振械曰雲碩善書畫住持越中大善五雲晚主嘉禾東塔

暮春

青山茅屋石橋西曉雨含香落燕泥美睡不知春已去鷓鴣

嘯過若耶谿

覺順

字心鑑海甯人本姓許著秀野堂詩集

吳振械曰心鑑詩如叢木煙凝紫孤峰雨洗青松徑曲通寺谿流直到門均饒生趣陸研樵嘗謂其長歌短什

思清致逸有月到天心風來水面光景

宿金閣嶺有感

歷歷哀猿嘯澗月悠悠梵唄度松風思鄉千里書難寄懷友

三更夢可通門外推敲師賈島牀頭議論效王充近來蹤迹

同流水自問行藏類轉蓬

探梅

燕地春寒雪未消草堂聯坐思無聊梅花香味來何處尋過

村南第二橋

海鷗

字開若江蘇吳江人秀水能仁寺僧著臥雲詩集

新谿詩鈔鷗公儒家者流游方之外潛心聲律不墮禪障少日與潘稼堂太史鈕玉樵明府張簡庵處士交各有品題年八十餘猶樂與文士往還白髯朱履望之如神仙中人

秋夜獨坐

煙暝諸緣寂安居物自宜鶴棲松老處魚定水澄時山近雲歸早林深月到遲幽懷人不識長嘯獨吟詩

和畢西臨過訪韻

獨有林泉客相過不厭重常攜青竹杖來聽白雲鐘野鳥遊

新句斜暉又遠峰平生迎送嬾忽踐虎谿蹤

題白雲庵

曲徑紆迴連翠竹一瓢高挂對長松白雲片片過茅屋來是

谿南第幾峰

與一

字維若平湖人本姓朱錢塘淨慈寺僧

客夜聞雞聲有懷納些同學

故園籬落若爲存此日元機孰與論記得枕流青浦寺別從
踏葉柘湖村半簾涼月參詩案一點殘燈照客魂鄉思離愁
兩無限忍聽喔喔起柴門

晚荃

字嵩來鄞人育王寺僧

鄮峰草堂

蒼苔路迳草堂偏幽勝還能似輞川繞屋已培新竹樹近園

重贖舊山田秋來月色生峰頂坐久花陰到檻前小閣短牀
鐙火裏一簾清影夜談禪

閒身隨處足生涯別有東廬可當家藜榻暖鋪香糯草蒙泉
秋養水芝花買山兼愛雲藏石種竹還期筍出芽亂石繞門
行路窄薜蘿青挽舊袈裟

水定

奉化人本姓孫
嵯縣孝義庵僧

贈囊雲先生

廿載囊雲伴杖藜山空惟有兩心知移花笑我多成癖愛石
如君亦近癡投老已完彭澤志半生題徧剡川詩采薇人去
清風在響絕高山爲子期

石銘

上虞人

謝聘曰石銘爲邑東門車氏子早歲從軍隸平西王
麾下屢立戰功後見平西有異志遂亡入南海爲僧

不寐

風信響闌干，匡牀臥不安。夜深鑿影苦，秋盡雨聲寒。骨相慚猿臂，功名笑鼠肝。龍泉知我者，時復把來看。

軍中作

壯夫腸熱不知寒，遠埃烽煙躍馬看。日暮雁門關外路，朔風吹雪滿雕鞍。

寶善

號楚琳臨海人著看雲集

丹山詩話楚公受記於松園大師詩有根抵詢其舊識蓋幼而能之慘淡經營直欲凌鮑樂謝詩王香象也

登秦望山

直上孤峰頂，盈眸景物妍。人煙浮近郭，海色浸遙天。日晚雲霞麗，春深草樹鮮。篆文留短碣，幾輩競椎甌。

謁雲棲月公和尚

一徑穿雲入翠微
陰陰叢篠萬松圍
林香不斷階除靜
佛火長明金碧輝
簾隔曉山曉鳥亂
池添春水畜魚肥
幽棲不羨支公買
卻笑人閒未息機

頓閣

一名本修西
安明果寺僧

重建祥符寺功竣復歸明果

塵世何堪問是非
夜來悟得一禪機
不如撒手歸山去
閒看白雲野鶴飛

佛彥

號範遠瑞安人本姓鍾
仙巖寺僧著客游草

林鴻道序略範遠為鄉先達方伯公裔吾內兄文學異
卿子也機神爽秀慧業夙超甲子春飛錫東南自吳越
以迄中州所歷三千里許耳目經臨孤情獨往吟詠彌適如見散仙

游碧峰寺

古殿雲中出登高眺遠山春光歸竹杖嵐影護禪關日落鵝

聲碎風清鶴夢閒如何此幽境日日共躋攀

明慧

字楚雲號伴梅湖北江夏人

府志明慧為形山寶禪師法嗣開法雲濟移寂照長慶延福報忠諸刹雍正癸丑應

召入京

賜紫衣

封悟修禪師奉

旨住杭州

聖因寺甲寅復

召入京住萬壽寺旋示寂壽七十二塔于嘉興之桃花里

友人請住梵受禪院詩以辭之

一瓢一鉢樂餘閒借得扁舟自往還他日把茅隨處結不依

綠水定青山

空林黃葉自蕭蕭孤負同條幾度招嬾聽今時鐘磬韻甘隨

秋水伴漁樵

寶昌

字智巖仁和崇福寺僧

山居

矮屋山頭少客來
惟餘松竹夾巖隈
雨留細草黏香屐
風送閒花點繡苔
野鳥音隨清磬散
牧童歌逐夕陽回
滄桑莫問人間世
拌得雄心冷似灰

實慧

字雨懷錢塘理安寺僧

理安寺志雨懷俗姓張氏鎮江人雍正五年奉敕住理安寺

登大人峰

有峰號大人屹立清虛表
披雲造其巔一覽眾山小

明彼

字漢淇號大登平湖人本姓周仁和崇福寺僧

懷禾中秋水居

秋水尋歸夢湖山繞故扉
草深蟲語亂苔碧屐痕稀
竹影臨波瘦荷香帶露微
煮茶亭子畔鷗鷺總忘機

定舍

字海印臨海詩
山僧著舉蕉葉

王祖澤曰海上人醫年習靜習有慧珠其詩如碧島珊瑚
瑤天笙鶴祖松園師梅岑心傳遞衍眉山三世才其

今日在
台山殿

松風閣雨中書懷

風鳴山雨來浙瀝度高閣松花落硯池嵐氣溼書幕徒倚極
遙目亂雲填眾壑一水繞沙村人煙遠寂寞此際思伊人山
川自閒錯悠悠百感生襟期倍蕭索百年瞬息閒幾人恣行
樂何以洩幽懷微吟聊寄託雨歇夕陰生當軒獨盤礴長歎
破空碧林表歸老鶴

粹白

錢塘靈
隱寺僧

宋大樽曰粹白詩無率
意之作品在小顛上

代東寄施少峰

重提往事已經年，夙慧情深香火緣。
約我尋山衝雪艇，勞君覓句擘雲箋。
檐依嫩竹千竿翠，竈焙新茶一縷煙。
正是幽棲清絕處，可能乘興踐逃禪。
擬待雪中攜釣艇來從竹裏訪詩僧少峰贈余詩句也

清懿

字恭文一字雲巢錢塘雲居寺僧

夏日水明樓落成同江聲鹿田販翁鸛亭易菴潔夫諸

公登眺分韻

小樓甫構成，登眺頗稱便。
空翠亂霞光，天晴浮片片。
塔影入窗櫺，炊煙起微綫。
山深可道暑，慧業證諸彥。
簷虛清籟生，憑高任舒卷。
空明一角湖，羣峰遮半面。
雲氣互吐吞，水光時隱現。
木末棲鳥落，松花灑石硯。
茗香慳幽思，分吟忘午倦。
殘鐘送斜暉，暮景益堪戀。
山樓聽秋聲，相期諾須踐。

登水明樓同沈秋鶴王觀揚

繞檻松篁淨當門雉堞環濤聲千壑雨暮色一樓山遁世渾
忘日澄心只愛閒聯吟來二仲水月映湖灣

靈湛

號鏡庵江蘇崑山人仁
和六通寺僧著萍蹤草

題畫

探幽不厭深一櫂出煙浦遙見江上山歷歷青可數危岡峙
孤亭激湍響柔艣天風鼓松濤藤花落如雨

賦得殘雪梅花照月寒用宋牧仲韻

東風破餘寒豔豔半谿月孤影夜來橫流澌響初歇幽人擢
短艇靜對覺清越坐久悄無言冷香沁詩骨

性仁

字慈恆號懋膺海甯人
本姓陳江都建隆寺僧

冬日張詰士蔣秋涇吳葑田陳竹町對鶴兄弟過寺看

黃葉分賦

西風日卓午嵇阮同乘興不嫌郊寺荒卻愛桑林勝任意憩
空齋落葉聲可聽寂寞在忘言妙理各契證慚余非惠然風
幡論難罄何時靜業開相與參清磬

秋日洪閻公史茗涓焦五斗沈江門諸君子暨松亭藥

根小集桐柏軒

犬吠日將夕細聽人叩關雨驅殘暑去秋放小庭閒詩思碧

梧外客懷紅蓼閒荒廚無款待煮茗語空山

明敦字大慈號冷齋安徽歙縣人嘉興慈竹庵僧

國初則冬關自二公後僅見慈師而已如詠竹杖云有節

處隨時勁無心到

秋日寄懷白蓮寺東麓法師

思入蒹葭渺西風雁陣連心空林下月人老醉中禪兀坐依

黃菊高吟憶白蓮情如魏塘水不盡一年年

明濟字西帆嘉興人東聖堂僧

卽事

茶根香美布袍溫剝啄無聲晝掩門莫道出家無俗累梅花生子竹生孫

佛眉字元惺秀水香海寺僧著龍潭集

石瀨山房詩話元惺嘗建大悲閣築基之日有五鶴自雲中來飛舞盤旋良久下止拱而立詰朝始去閣成因名五鶴堂作詩紀其事

客至

遠別忽相見猶疑夢裏通逢君雲斷處呼我月明中坐久情無限談深意未終莫教輕別去又作馬牛風

源瀚字覺海號玉峰江蘇崑山人海鹽天甯寺僧著水雲集

石瀨山房詩話天甯一席自前明楚石禪師後道場荒
落幾不可問覺師住持其中勦力為之鼎新其功幾倍
開山乾隆辛未

南巡覺師與金粟僧源達詣吳門觀音山迎
駕

秋晚登古鹽城樓次海光韻

澤國東南望長風撼戍樓詩吟天地老笛弄海山秋野鳥沙
邊沒閒心世外浮潮平星月出何處動離愁

林閒步月

明月移松映碧谿幽林寂寂草萋萋扶筇獨上峰頭嘯驚起
千山宿鳥嘖

天曉

字香谷石門人

耐冷譚香谷禪課之暇能讀儒
書擅吟詠詩境不深喜無塵壑

西邨暮歸

回谿宛轉木橋橫日暮炊煙幾處生一片陰陰桑柘路涼風
吹出暮蟬聲

玉谿訪少峰丈

消暑高齋興味深詩摹玉局畫雲林敲門莫笑僧常到為恐

煩君踏葉尋

丈有踏葉尋僧圖

傳心

字曉源號指柏石門人本姓嚴仁和仙林寺僧

揚振錫曰指柏居仙林寺無垢房工詩善畫尤精堪輿家說

春日同人過石屋登青龍山

礪谷雲深處茅茨又一村雲過山忽斷煙補樹無痕工部詩
材足右丞畫藁存前年曾到此時物漫重論

夜渡富春江再晤程于一先生

為訪龜川得再經輕舟夜過觀山亭寒雞亂唱孤城月漁火

兩浙輶軒續錄

卷五十一

天曉傳心南潛思文

古

X 上 上

分移隔岸星風送潮聲歸別浦雲依帆信出芳汀江皋斜渡
漚花影雙眼浮家夢又醒

南潛

字月巖烏程人本姓董名說貢生

沈德潛日月巖中歲出家吳之靈巖寺詩思不凡然多偏蔽不完善茲錄其近情者

聽雨

梧桐滴瀝客心驚秋雨能吹白髮生孤館鐙昏惟對影麗譙
鼓溼不知更前宵松月疑塵夢明日泥塗聽屐聲尋著漏痕
當屋角夜深百市繞書行

思文

號竺山天台靈鷲寺僧著復存草

立齋詩話師為三湘七澤間名流淹貫古今縱橫翰墨早蜚慈榜之英旋作栴林之傑以用法入講出世法根源性理透徹禪宗子假歸里迎主靈巖蓋余之於師固不啻遠公泉明了元坡老也
寒谿輪和尚過訪山中語及漏霜欣然捉筆

僑居窮海濱超然在天壤泉溜曉瓶分門陰夏條長冷齋集
夜談道言澄煩想解衣恣盤礴風輪答高響重展水邨圖新
交欣見賞班草話斯人高山誰不仰

莊平訪蔡子美留別用東坡述嶺表韻

紫鳳巒回插天起輕舟夜渡莊平水聞道巨鼇峰下村高臥
臨川蔡子美我來嶺外路迢迢草屨夜曳雙魚里荻花含草
冷呼鐙爲我鞭風摘山髓相看漫問魯陽戈世事東風吹馬
耳明朝一揖上吳舸去路茫茫孰知己竹笈雲囊返敝廬舊
山春草近何如好將東谷臨歧語霜雁南來早寄書

有所思爲虞山瞿給諫作

煙昏片石寒木脫靈巖晚梅市閃秋鐙蒼茫門未掩嗟彼上
書人五年去不返

送秋生曹孝廉還湘西

白首辭桑梓天涯今獨歸寒塘新草闊秋水舊漁磯半嶺猿
嘯處孤村客暫依去逢衡渚雁相背向南飛

覺際

號遠峰天台國清寺僧著引青集

羅宏載曰遠公古貌古心器根上乘復踞寶藏名藍花
關曲折石徑幽深開從禪寂之餘芒屨竹杖徜徉其中
感時觀物發為詩歌真
得風人溫厚和平之旨

登景星巖

巖際青天近星光分外明香臺塵世隔高閣晚涼生湫急和

雲瀉池深得月清槃阿招不去高潔古人情

月間

西安光嚴寺僧

閒居

輓紅塵十丈一任去紛紛老衲眠殘月芒屨曳碎雲禪心初

入定俗續了無聞炷得靈香在庭空自篆紋

雪訪

桐廬人本姓戴諸生

桐谿耆隱集雪訪有野興詩云谿雲隨客渡林鳥向人呼秀句也

合江亭

天目新安派合流危亭分占兩江秋千峰環裏青成闔二水
交縈碧繞樓煙際鳥還帆影轉海門潮上曙光浮奔濤激沫
趨秦望靈境居然控上游

池上

池館通幽處焚香栖散人泉清濯白足藻密出紅鱗坐臥得
天趣往來無世塵好將活潑地收拾等閒身

邀陳石村游大奇山

村南十里大奇山地僻林深景物閒石壁倚天猿叫絕風藤

挂月鶴飛還苔封陰磴樵無路雲散陽厓衲閉關最是晚秋
紅葉好一樽還許對孱顏

閩仙洞

洞口千年蝙蝠飛洞中擁炬尚寒威石牀仙竈深深見何代
遺民此息機

禪一 字心丹號小顛錢塘淨慈寺僧
著唾餘集二卷隨便集一卷

桐鄉縣志禪一自幼脫白于南屏之萬峰山房為嶺雲
入室弟子山房在慧日峰下明萬曆開元津察法師所
創與董香光黃貞父諸君結香嚴詩社於此嗣後每代
能詩至師已傳七葉儀徵阮元撫浙時手書七代詩僧
精舍額以顏其室嗜酒工偈蒯遇人傲弄無所屈能
詩擅草書博通內外典對酒嘲諢口角風生輒能傾倒
一座四方名流過西洽
者無不刺舟相訪云
王斯年跋略小顛於釋氏之書無不通曉然對客不作
一禪語性嗜酒日必飲飲必醉士大夫以詩酒訂交相
道從喜則迎嬾則罵
是殆有託而逃者歟

中丞阮公書七代詩僧額爲贈拈此奉謝

七代傳衣翰墨綠新標齋榜有高賢文如北斗珍韓子集少
紅樓愧廣宣新漲拍隄初過雨妙香浮檻乍開蓮萬峰深處
光華甚不讓題梁玉局仙

參寥智果院
係東坡題梁

築牆圍雷峰塔詩以紀之

五季紛紛首朱梁乘時割據錢鏐王此塔肇建自忠懿依稀
記得妃子黃去今八百有餘載中遭劫火燒燼唐劇中割股
妖蛇出眾目爭看窈窕娘法勝有如鬼子母戰退揭諦走金
剛金山高擎一盞罩不能跋扈恣飛揚此妖亦是有情種輕
身矢志爲高陽黃乃對白是寄託以僞作真駭眾盲鄉愚不
喻竊輒去將去磨刀切柔桑妄言此輒鎮妖孽蛇蠍永不來
蠶房從此剔出有萬萬古塔勢欲倒高岡十景之中少一景

於是山僧爲主張若云鼎新工浩大且圍八尺黃泥牆斯舉
傍人皆贊歎保護塔身計最良我聞興修也生喜作詩記美
助宣揚

夜雨不寐

秋晚空山冷閉門溼雲時復起巖根大都詩思因禪悟一半
鐘聲帶雨昏短榻橫眠聊自適孤鐙枯坐向誰論畢生消受
清閒福慚愧難酬出世恩

際祥

字主雲錢塘
淨慈寺僧

武林人物新志際祥早歲持戒行熟內典書畫名著一
時所至梵宇琳宮次第興復以嘉慶十八年除夕卒

題畫

性僻耽泉石看山我未曾松花香似飯水氣冷於冰路轉藏
村落林深見佛鐙最宜攜枕簟消夏此閒能

律月

字品蓮號藕舫江蘇江都人

錢塘雲林寺僧著品蓮吟草
吳振棫曰品蓮善琴工畫蘭竹嘉慶間為靈隱主席張
仲雅雲璣序其詩以為清絕滔滔丹徒王柳村豫采其

詩入羣
雅二集

陪蔣時庵張老薑二先生由石筍峰至百衲庵訪蔣村

先生不值

邗上故人來攜手山之麓仰面看青天長嘯出深谷直上石
筍峰吟屐破新綠復詣百衲庵一訪蔣子屋虛牖納煙霞長
空列灌木讀書於此閒清福自然足不值悵如何留名在修
竹野寺晚鐘撞催人歸去速一片淨琉璃西湖遙在目冷豔
澹山花清香猶馥馥佗日再訪來蒲團借一宿

送汪玉屏歸里

夕陽渡口片帆懸送客江城二月天花帶溼雲初過雨鳥嘯

疏柳暗生煙詎無別緒經時感應有閒情入夢牽君到芷風
高閣上好將山水寄吟箋

天台道中

瓢笠肩擔趁曉暉空濛頓覺散煙霏鳥聲不斷谿聲接一路

西風入翠微

達宣

宇青雨海昌人錢塘淨慈寺僧著茶夢山房吟草

戴熙序略詩僧青雨習浮圖術往來省會與賢士大夫騷人墨客游士木形骸落落莫其為詩澹而深悠然

而意遠可謂工矣

鮑桂星曰清遠閒逸是鳥山可一輩人語所謂氣含蔬筍到公無也

張青選曰青雨詩自寫性靈不肩肩摹擬古人而於王孟為近

借同人脩古堂看菊書贈陳浣江茂才

惟草

東籬間有菊干枝咫尺何嫌結伴遲一笑孟公風雅甚客來

先索看花詩

眼前佳色最娉婷爭賞休辭醉綠醪費盡半年培植苦一杯
先合酌園丁

佛手柑

一彈指頃現瓏玲竺國分來伴膽餅好似彌陀猶結印何如
阿闍尚繙經和南本是聯枝體袒右兼成抵掌形未識能爲
獅子否好教醉象亦通靈

梅檀爲伴勝薰香釘向金盤色並黃小屈未須誇玉筍微學
渾欲比紅薑可書梵字通圓覺合散天花作道場記取須曼
緣好在西來煩與指迷方

新夏野步

沙田秧種木棉花桑徑新栽七月瓜獨有兒童無箇事竹竿

綳網去撈鰕

偶作

打包從此倦奔馳只付華胥夢裏知
懶到今年真出格荷花開後尙無詩

王竹嶼太守

鳳生

招同人集飲南屏聽松樓卽席口占

曲徑通幽草不刪風枝替客叩柴關
詩非本色難呈佛客有閒情總愛山
小醉未嫌村酒濁朗吟聊趁瓦鐙閒
伊蒲饌比加餐飯聽徧殘鐘莫便還

冬日郭行觀田家打稻有感

斜陽淡紅葉谿路生寒煙衰柳亂人影
暮景茫無邊一村復一村行看隴畝穿
夫任與婦負腰鑿登寒肩連耒不絕響
稻穫盈陌阡聽說老農語今逢大有年
穰穰積滿屋曬穀當時

天背春潔白粲午爨香紅蓮蓬蓬得飽腹憂慮無熬煎而我
負筆未耕此荒石田將爲老農笑墨磨人可憐去去不復顧
新月垂當前歸來思學稼細讀齊民篇

癸卯冬日蔣生沐招同沈燭門潘棻薌薌兩廣文費曉樓
趙次閑兩處士雅集湖舫次元韻

西冷西畔足句留嵐影波光靄暮秋霜葉黃飛臨水榭夕陽
紅襯遠山樓座逢知己皆名士酒禦輕寒襲傲裘所惜汪倫
遲未至清樽不共畫船游

時劔秋不至

冰雪聰明筆一枝冷官名重早傳知倚樓長笛尊同調潘岳
閒居合賦詩相遇莫推杯放手臨流休感鬢垂絲眼前雅會
殊難得半是倪黃老畫師

達受

字六舟又字秋機
海甯人白馬寺僧

府志達受善草書畫以墨梅得名尤者金石收藏彝器

碑版甚富嘗得懷素大小草書千文墨蹟鈎摹上石賦

詩紀之有自喜不貪缸面酒莫教蕭翼賺蘭亭

之句主南屏方丈厭酬應之煩仍退居海甯

管庭芬南屏退叟傳略退叟邑之石井邨姚氏子幼卽

茹素視髮城北白馬禪院梵課精進兼好讀儒書于六

書章草無不精攻畫梅兼二樹冬心之勝居淨慈祕山

堂性尤耿金石阮文達公招至文選樓目之金石僧遊

歷名山古刹必拓其摹崖題名斷碑殘字壞鐘訕文載

歸乙巳丙午開入都主龍瓜槐瑞邸見所拓金石圖特

召入邸第賜遊春澤園臨行寵之以詩歸主席南屏余

及戴文節公何子貞太史並賞其所藏懷素干文及海

嶽老人星賦各捐資屬其勒石聞寇警而輟游浙東以

足疾返尚與錢深廬按輯海昌金石入備志戊午入滬

槃世臘六十有八所著有祖庭數典錄一卷六書廣通

六卷兩浙金石志補遺四册皆燬于焚所存者白馬廟

志一卷昔句曲外史居湖上築黃篾樓貯鼎彝善畫富

甲浙西多末南廊故物沒後散佚僅遺一簪六舟磬衣

鉢之資四十餘年築磨甗作鏡室及墨王樓所藏

幾與埒遭劫火身後亦僅存玉佛一尊可歎也

錢泰吉采訪日記六舟積數十年不下千璧余見其拓

本有海鹽資聖寺橋下所得甯康二年太歲甲戌錢師

造顯戲謂六舟錢

師始余前生也

譚廷獻曰六舟性好搜訪金石摹拓所得輒紀以詩為將來圖經所必錄于蔬筍中別具公案自阮文達公而下游方之外多喜與師論文承平勝事經人天小劫渺不可追彼法中所謂如夢如幻也許淮祥曰六舟上人嘗輯白馬廟志三卷南屏佚志十四卷滄浪亭補志天竺山志雲林寺志各若干卷

海昌學廨古井歌

我州金石多未彰補志竊願搜羅詳余輯兩浙金石志補已得若干卷徧尋

城闕兼橋梁觀輒手搨聲琅琅竭來論古廣業堂好古人遇

甘泉鄉導余周視循宮牆門內有井六角方石闌覆如摧倒

缸質雖粗頑形異常制度彷彿侔李唐石頸有穿力可扛趙晉

齋在西安時見有唐天寶石井闌其式與此同其上字蹟留八行倩亟拓

之墨汁香義泉大字書端莊如蔡君謨筆老蒼餘惜殘損惟

偏旁年代莫辨空思量題名僅識為高陽當時鑿此因薦亡

報妻胡氏七十二娘此意無愧良人良厯今不知凡幾霜食者

甘之猶瓊漿吳中古井石放光載顧氏志流芬芳

吳門東美巷有嘉定

開古井光澤如玉題名有孝夫之稱載入顧氏吳中金石志

孝夫之稱誠不忘是井功德

堪頡頏姓氏未泐待表揚幸逢椽筆志海昌與鐘竝揭壁合

雙明倫堂有明時淨妙寺鐘警石廣文亦屬余拓其文

一金一石真相當鴻詞況誦長

短章塔銘顯不殊藥王

余去歲在南屏退居房新出土宋僧修藥王塔志棄入荆榛中無人拂拭

今入金石志

續貂我亦搜枯腸寒泉酌勝亭滄浪

余住滄浪時新發一井

題查叔羽羅浮夢梅圖為周梅坪作

江店酒初熟亭皋鶴未還誰家一聲笛吹夢落空山

梨雲澹若煙雪月寒于水中有看花人幾生修到此

旱

茫茫九點齊州煙雙丸跳躑同磨旋蚍蜉如許億萬眾所資

根本惟桑田五風十雨克應序布衣粗飯斯安便胡為旱魃

忽作虐日見火繖當空懸青苗處處漸黃悴望雲戴笠雙睛
穿有時黑雲出巖岫雷聲一擊仍青天桔槔軋軋鳴不絕老
農默禱心空虔瓜皮艇子歇鳴櫓何況千斛中流船朝來又
長城市米日午欲斷山谷泉吁嗟乎河涸二百卅餘日還甚
乾隆五十年

宮保阮芸臺相國自京中寄贈詩句有懷南屏萬峰山
房小顛詩考四十年前贈顛師七代詩僧精舍額公
案萬峰自明元津法師至顛師七代詩傳相國撫浙
時爲贈是額榜後有僮父云自此七代而止相國惘
然適有嘯淇者工吟詠命爲顛師詩弟子以繼詩鑑
有鐘後月前明不斷萬峰深處一詩鑑之句受卽次
元韻寄答

萬峰深處有南能一代詩傳一代鐙笑我十年籬下住依然
粥飯一頑僧

余藏丁龍泓詩謝南屏五世法祖熒老人送檀香米之
作即次原韻題其上

無邊世界此中藏日月還應賦就將短札有人曾乞米梅林
何處尚留香佛從舍衛城中過我向沿門鉢裏嘗記得青精
容一飽當年筆墨喜逢場蕪湖許小琴二尹以青精飯見餉屬余書畫

清恆字巨超號借庵海甯人焦山松寥僧

長興縣志清恆嘗住焦山松寥劉文清贈以聯云萬壘
江山空絕唱三秋水月證參禪嘉慶庚申主長興龍華
方丈戒行精嚴性耽澹靜不尚機鋒編修洪亮吉挈舟
來訪清譚十數日而去有借庵詩鈔行世侍郎王昶傳
其曾次高曠非凡僧可比復回焦山示寂

題龍華正中亭

寺向孤亭入家風有正中池山當檻翠花洞隔林紅石亂松
關閉雲深竹徑通我來暫棲息迴遶碧玲瓏

際因

字液川嘉興人翠雲庵僧著觀幻山房藁

續構李詩繫液公博學工詩嘗受業于秀水汪梅谿先生之門中年徧參叢林晚歸主席東塔寺旋移平湖德藏寺年七十餘退歸翠雲鐘魚一室觀空自在朝理貝葉之書夕廣拈花之句余嘗三叩其廬每至輒呼小沙彌綸芥片供客與之談恂恂儒雅無蔬筍惡習

夏夜獨坐

離俗三十年習靜住茅舍忍飢不告人病來常偃臥昏鏡照
四壁光穿紙窗破涼風驅暑散松閒清露下如何夏夜短更
深還獨坐不參禪中味逆境安可過身世兩悠然長短隨造
化且作碧雲句聊復酬良夜

郊居述懷

夏日塵事少常掩竹閒扉庭中有佳木相對時依依念彼松
頂鶴翩翩雲閒飛動靜各自適彼此無是非

了學

字小石嘉興人
仁和孝慈庵僧

題就竹亭

種花開曲徑結屋傍修篁風亂寒生几雨餘青過牆此君無
肉相一榻但奈香好倩文夫子圖真白晝長

雲居山房晚步

詩膽似劉叉聯吟開士家山光分樹綠城勢面江斜書案移
青玉茶鐏試白沙欲爲桑下宿歸路晚煙遮

眞州訪屠琴鳴先生

聽得行人說道旁勸耕勸織勸栽桑河陽但種花千樹翻惹
春風喚蝶忙

秉誠

字書田秀水人木姓計嘉興德水禪院僧

著西竺軒彙谷水集天台行草書田詩彙
石瀨山房詩話書目解次高妙風標清癯如閉雲野鶴
超然塵埃之表性好游嘗北至京口探金焦之勝南游
曹娥江登天姥峰游赤城山清涼寺諸名勝經
輒有題詠晚乃主講鹽官之資聖寺又數年而示寂

觀打魚有感

小魚戢戢駢頭嬉大魚蒲藻潛相依魚游本自樂天趣豈知
中已藏殺機老漁船頭赤腳立隻手挺叉撒波入一魚失水
羣魚驚相戒徒聞過河泣吁嗟爾魚曷不徙宅滄江坳奮躍
咫尺乘波濤濤聲夜半撼江樹便借風雷逐龍去

羅漢寺寄酬鴛湖諸舊友

白雲堆裏倒頭眠踏破芒屨歷幾年山虎自馴窗外杖籬雞
不問囊中天每欣謝客詩通偈未許陶公酒作仙怪底布袍
雙袖重貯來珠玉已千篇

文星橋晚眺

南浦依依柳色青玉驄嘶斷不堪聽河梁大有銷魂處只少

勞勞送客亭

露文

字素陰江蘇江都人秀水茶禪寺僧著舊松詩草

石瀨山鳥詩話素公俗姓吳為廣陵巨室年十八出家杭州靈隱寺後主龍淵方丈生平善書工琴尤好寫墨蘭禪誦之餘閒事吟詠雪樵上人稱其發語高超選格孤峭成一家言同門補松上人愛其集為之刊行云

病起

多病成吾嬾全真淡物情籬花秋月靜谿雨晚雲輕一衲乾

坤側廿年鷗鷺盟不堪消瘦裏清苦聽猿聲

天寥

江蘇吳江人本姓吳嘉善雁塔寺僧

石瀨山房詩話天寥吳江之盧墟人名鯤字獨游好吟詠家貧以縫衣為業一時名流如郭頰仰昆季黃退庵父子皆樂與之交年五十出家魏塘之雁塔寺更名天寥三年圓寂詩多性靈語錄其脫白後數章以見一斑

歲暮雜詩

隨意閒行到曲籬半尋藥草半尋詩忽驚枯柳煙封滿知有
漁舟作晚炊
紙帳寒生布被輕臥聽凍雨打窗聲北風無力作成雪又被
西風吹老晴

重陽

含愁無寐坐昏黃偏是風狂雨又狂知道明朝九月九又來
舊例作重陽

達純

字粹修桐鄉人本姓朱長洲南禪寺僧著悉檀吟草

登惠泉山

尋山理短櫂卻趁雨餘天杳矣臨深壑因之得古泉山光籠
秀色塔影鎖寒煙撫景雙眸豁吟懷夕照邊

自題秋林讀書圖

園林新卜築靜景稱幽居樹抱三間屋人依半榻書綠蕉遮
石壁紅葉點階除法界輪金象生涯學蠹魚晚山斜照遠秋
水小窗虛閉戶研朱慣高吟掩卷餘未如揚子宅差比已公
廬來往無多客邨南一老漁

秉融

字覺海號問月烏程明
義庵僧著得閒詩集

晨起

幽禽鬪舌曉來聽喬木周遭水一汀天霽霞蒸魚尾赤日高
山湧佛頭青紛紛往事如春夢落落相知似曙星帶露桃花
橫渡口春風如醉未曾醒

覺清

字儒庵慈谿
雲岫寺僧

王約曰師好讀四子書不以禪誦爲業或笑
之則曰有益身心之書味自深遠誠好之也

擬田家送春詞

柳絮輕飛三月天，碧谿新水灌芳田。
桑麻未了新秧綠，布穀聲聲隔暮煙。

次柯先生辭酒韻

甕頭春映鉢中蓮，快讀新詞句可聯。
米汁佛前容布席，春風座上為催絃。
唐詩催絃拂柱與君飲曾慚加帽君能謔，卻笑持螯夢未牽。
輒飽不知人待飯，借夫紅塵能有幾神仙。

自遣

一林修竹映蒼苔，落數朵巖花半倒開。
茅屋不將蘿補得，為邀

明月照書臺

漢兆

號仲霞甯海人山陰方廣寺僧著妙香詩草梅花百詠

葉書曰伴霞俗姓盧甯海桑洲人束髮讀書即有出塵之想勉從親命結禪兩月遽入天台永樂寺為僧旋入

越主開元寺復主方廣寺與越中名士王笠舫進士周
又谿明經輩結泊鷗社於耶谿鏡水間以吟詠自娛
田園雜興

春風扇微和谿水生新綠漠漠遲秋煙藹藹霏茆屋老翁侵
晨起陡見山花馥笑說魚苗生一篙春雨足誰家卯角童叱
犢過谿北豆葉垂青青麥花飄或或關心楊柳梢好鳥嗁布
穀

書蔣苕生太史忠雅堂集後

冶躍洪鑪鑄莫邪千秋奇氣走龍蛇仙人慧業金剛版才子
前身玉茗花氣節半生高泰華功名一笑付煙霞藏園自有
藏書窟何事搜羅到百家

與宏

號已香山陰人小雲樓
僧著爛雲樓詩鈔二卷

高第序略已香爲詩無蔬筍氣又習問邵二雲錢竹汀
蔣山堂諸君子緒論雲間陳古華太史掌教龍山一時

名士如寶摩芸士頻仰白樓諸君縱橫談讌已香芭屨
藤杖結方外交詩壇酒社摩壘其閒故其全橐朴而不
野澹而不枯當為越

絕煙霞大開生面

李宗傳序略小雲棲地幽迥多種梅花開時若鄧尉香
雪海已香居其中隱於禪以自適不自以為能詩也招
之入吟社則入吟社而已招之游山水則游山水而已
不然則率其徒侶采薪負耒自給而已與雲同棲與梅
為友悠然不自知其老也史傳所稱高僧吾未之見已
香儻其倫耶已香之詩泊然神清蕭然意遠自然之句
每若天成如皎月之在潭明霞之麗天也如聞鷗弄海
逸鶴翩然凌空也如拂白石彈素琴而松風來謾謾也
讀其詩可想見其為人矣

庵居

引來翠竹風三面截斷紅塵水一環茅屋數椽中有我閉門
榮辱不相關

蕭然丈室長莓苔無數梅花繞屋開不道多情還有月夜深
扶影上窗來

寒食苦雨

冷節蕭條苦雨天
溼薪破竈欲無煙
閒攜石子敲新火
分與鄰家化紙錢

梅山

漢吏逃名姓而今
地尙傳泉疑流
夜雨山欲鎖
春煙脫屣離
塵網裁雲補水田
老僧消受得梅子
熟多年

平陽寺晤平鶴峰茂才

憶昔松根憩寂時
愛山休悔入山遲
十年行腳隨雲住
一片虛心有竹知
楊柳影搖風動水
芭蕉聲起雨催詩
今宵共翦西窗燭
不敢鐙前話別離

懸崖觀瀑圖

懸崖雙壁立下視
何危哉飛龍首
天矯卷雪空中來
我昔逢

李白謂白樓挾我登天台對此駭奇絕白日聞驚雷清遊可十日飄然乘興回至今風雨夜夢裏猶喧豨羨君亦豪興跨鶴凌蓬萊題詩一回首桃花無數開

次洪稚存太史見贈韻

八千里外歸來客不爲探奇也打門願見已經過半世相逢何幸在荒村隻身湖海飄零久百卷文章慷慨存煨芋分嘗堅後約更須米汁沃靈根

天台萬年藤杖歌

昔年曾作天台遊一瓢一笠挂杖頭玉霄峰聳萬螺髻石梁瀑卷雙龍湫翠微幾折入古寺禪堂鐘磬清且幽蒼藤夭矯挂石壁疏花紅綴空巖秋老僧知我慣行腳呼童截取千歲虬攜歸早夜每拂拭肌理細膩骨節遒癭圓瘡古色蒼澗桃

枝筇竹非其儔平生夢寐在邱壑要躡五岳凌九州隨身自有瓶鉢在任山任爾猿鶴愁杖兮杖兮肯相助出門從此吾無憂

農家

習勞忍苦是農家唱罷秧歌又踏車饑女筠筐收野菜牧童筠笠插山花引泉當戶便淘米遮日作棚兼種瓜忽聽桑鳩嗶不住來朝定有雨如麻

自述

棲雲雖不深翛然遠城市無端夢忽來亦非心所使花到竹窗開雲隨僧榻起悄然獨面壁影落一泓水無名何必逃有心那得死試問此何人得非懶雲是

書懷

皎皎月正白悠悠雲自行以彼一點滓掩此千里明人心如
鏡臺潔比秋水清一念不肯息萬慮遂交縈老以靜而治莊
因達乃成非儒亦非釋無爲了平生

偕吉園又谿陸村小歐集觀音寺題又谿墨竹

竹生居士寫琅玕十指風騷拂拂寒到此暑消三伏易相隨
賢繼七人難同集者原知高節能醫俗未學虛心不許看尺
幅願求文與可山中賴爾報平安

雲門寺訪王大令故宅

晉代雲留歲月賒山門不改舊煙霞泠泠清楚空王殿落落
高風大令家荇藻滿池餘瀆墨辛夷如筆又開花明知錯認
烏衣巷尚有斜陽爾許斜

鏡湖寒山歌

兩浙輶軒續錄

卷五十一

與宏

五

八十一

鏡湖如鏡青銅磨風色盪開湖面波寒山耐寒黃葉脫霞光
襯出山顏醅醅顏醉客客如此波影照人人若何道士莊前
場圃廣方千島畔鷗鳧多青山左右列茅屋漁人來往披煙
蓑詩句偶從畫橋得野航恰載詩人過好山遠挹甚平淡流
水曲抱皆中和鏡湖千古屬狂客寒山一笑真維摩

上虞李海颿大令釣鼈圖

曾中萬卷酒一斗先生本具絲綸手落筆時時風雨驚登山
處處煙霞走國有聖人海無濤越裳萬里爭來朝琴堂恰與
三山近好把長竿釣六鼈

方正學先生墨迹自述詩

正學先生一枝筆異代相看漫輕忽七絕詩作三行書廿八
字團一腔血入朝草詔不肯下可知此墨如金惜

登焦山絕頂和借庵韻

捫葛攀蘿上碧霄百盤千級路迢迢披襟我又登蓬島放眼人多看海潮東漢此山才有姓西江無水不來朝褰衣直扣雙峰閣認得華陽舊鶴巢

雜詩

風裁荷葉衣無盡雨繡苔痕綫有餘著用不消人打點此中清福更何如
野處山林空處樓霞爲簾幙月爲鉤三餐粥飯當功課四壁煙雲作臥遊

七十自述

七十年來力尙支還思補過苦嫌遲無求於世原難得所欲從心豈易期道味漸如黃葉淡閒情只有白鷗知天公許我

棲雲嬾深藉同龕彌勒慈

古風

字寒石號澄谷天台人錢塘理安寺僧著倚杖吟

答徐雪廬居士

谿頭一別隔天涯寄我風鷗感舊詩山氣清寒梅放早池光
澗靜月行遲老僧不問金輪勝學士何時玉帶貽塵世百年
花上露再來無負故人期

顯舟

字印川永嘉中谿寺僧

訪友不遇

乘閒尋野寺一路入雲峰不見山中客惟聽澗底松苔荒僧
院寂雨暗竹陰濃欲別聞嘯鳥林深翠幾重

冬雨連宵

羣壑連宵雨寒鐙獨坐時鐘聲雲外溼松火夜深滋貝葉披

風冷蓮花滴露遲
隔窗聽浙浙
愁殺隴頭枝

幽居寫意

無事竹林下
徐行拾翠香
蟲幽鳴石壁
蜂冷宿花房
物理閒
中得塵緣靜
裏忘近來
寒氣襲移榻
向朝陽

絕句

釣叟如何寄
若耶扁舟到處便
為家秋江兩岸
碧波靜一夜

西風宿葦花

起信

字香海錢塘

起信人著纓頭吟
自序云余性懶不欲坐曲象牀拈椎豎拂魔味人家男
女因避迹東園菰蔬博飯石屋有云生涯全在纓頭邊
可謂先得我心矣偶有吟詠大抵得之

纓頭邊題為纓頭吟
緝雅堂詩話方外詩上者不具論世所尊奉堂頭大和
尚往往以韻語為語錄如吾儒之有擊壤一派究非風
詩正軌否則流連觴詠詩必有酒亦非瞿曇本色觀
香海自序於彼教可稱狷者高僧傳中足參一席矣

題李忠毅公行狀後

萬里秋風破浪行
魚龍猶自警威名
銘鐘有

詔堪分土擲杖無緣為解兵
百戰飛霜侵短髮
十年橫海作

長城此生不遂殲渠志
魂逐寒潮怒未平

法舟 嘉興人

余楸云上人祝髮於梅里自在庵工詩嘗作偈云出家好布衣菜飯有到老只怕自顛倒皮囊沒依靠乞陳蓮

汀處士書而懸之

片雲

長空有片雲欲歸不知處
出岫本無心飛來復飛去

達鑑 字可聞號鈍隱秀水人壽生寺僧著雲鵑詩存

楊振鐫曰鈍隱新滕卜氏子也生具夙慧及長好讀嗜詩畫所居室曰雲鵑茗椀鑑香日惟閉門枯坐聞與二

三名流討經史味禪悅真到吟詩作畫而已

靈巖山館

幽徑開雲巖嵐光盪霄次奇石俯硯池小館依山寺路入三
里松盤旋逾幽邃空亭漱流泉泠然得秋意不知山水深祇
覺風景異層嶺雨初歇樹杪猶滴翠簌簌巖上花隨風亂香
墜

德清雨泊

暮雨清谿曲停橈間旅程煙光多在水山色不離城野籩明
漁火昏鴉雜樹聲孤篷棲泊處詩思一時生

同葭湖過宋金庭先生編竹齋

閣外輕陰柳外煙聞谿北墅訪吟甍攜筇偶爾偕宗炳讀書
還應數鄭虔謂沈丈芥舟花隴春深香似海竹齋人靜澹於禪年
來屢動滄浪興爲問新詩得幾篇

暮春歸自道場喜山古湘晚時夏諸公過山房話舊

悵望吳江第幾灘青衫白髮故人寒鷓知戀國猶尊帝鶴縱
乘軒不受官雨過平原芳草溼風吹滿地落花乾重教其撥

鑪中芋莫笑依然舊懶殘

德月

號隆山烏程人
晟舍利濟寺僧

贈霞山

清況誰甘受吾師意不羣松陰晴踏月竹徑晝眠雲鳥語驚
禪定花香破俗氛棲幽余亦好可許其論文

徹凡

號寄雲山陰人小雲棲
僧著募梅精舍詩二卷

李慈銘序略凡公越東山謝氏子幼歸浮屠教苦持戒
律而偏嗜詩讀其所作如置身幽泉叢篁孤花瘦石之
閒獨鶴與飛清磬時發令人意得神悅杳然而不知所
止蓋其得于詩者深矣所居曰興教寺嘉慶道光之際
有宏公者以詩名越中越中賢士大夫多與之遊以其
寺為壇坫地褻履觴飽無日不集遠近道俗爭檀施之

宏公因得以增崇其寺名之曰小雲樓為城市開一勝
境凡公親得宏公指授及見當時所謂賢士大夫者而
今復喜與吾輩遊顧老而貧益甚詩益工名亦終不
著吾輩亦無以振之詩能窮人之說至此益信矣
孫德祖曰道光咸豐間吾越吟事最盛如孫子久秀才
垓李悉伯御史慈銘孫蓮士副使廷璋徐葆意副榜虞
復王孟調副榜星誠周錫侯刑部光祖陳珊士刑部壽
祺周未雲運使星譽季貺建甯星詒兄弟玉敦珠盤齊
盟迭主小雲樓近在郊坳南湖勝地凡公以野鶴孤雲
參與清樽白社湖山壇坵曩展風流洵足為稽陰名蹟
云

繙經

商量結夏半龕深想入非非見佛心燕子連翩逐風磬補巢
也解借光陰

掃地

一庭新綠漲平蕪絕勝花茵市徑鋪眼淨塵空無可掃卻忘
茗帚是工夫

歲暮卽景

獵獵西風卷雪花，禦寒猶藉一袈裟。
不知邨北邨南路，履飽身溫有幾家。

和徐蘭舟秀才 元寄懷韻

羣山秋入畫，孤客暮尋詩。
松徑招涼候，茅堂罷講時。
橫琴人坐久，唳月鶴歸遲。
夜靜渾忘倦，長吟慰我思。

秋興

上方鐘定夕煙霏，門掩松深過客稀。
野外孤峰擎月出，天邊一雁帶星飛。
身從退院心逾懶，詩到吟秋句不肥。
涼吹滿庭人寂寂，篆煙凝碧裊簾衣。

聖因寺

占盡湖山勝，顛公舊講臺。
路從孤嶼轉，門對六橋開。
雲影浮

花去松聲度水來
毘盧真相在石氣冷蒼苔
寺有貫休畫石人
崔漢摹勒石

訪陳閩齋孝廉潤不值

鄭公鄉乍到講席試追攀
道義傾心久因緣識面慳
花幽都占水雲懶不離山
應爲尋詩去煙霞自守關

讀洪北江集書後

一疏危言震九寰
荷戈萬里竟生還
浪吟霜月臨荒塞
飽歷風沙看好山
當代風騷傳海內
千秋聲價重人間
記曾停策南湖曲
兩度尋僧到竹關

五十自述

寓迹塵中五十秋
鈍棲不辦爲身謀
谿山到處宜行腳
霜雪隨年欲上頭
雲水生涯尋斷夢
浮沈身世問圓漚
且乘蕭散

過時日興至頻探象外幽

日長無處用工夫換水燒香傍佛廬不信虛心堪對竹要知
古味在翻書袈裟未賣貧無恙粥飯隨緣樂有餘修得山僧
知不負煙雲多處閉門居

偶成

飽喫香廚嫩蕨芽也憑無事讀南華紙窗一綫春風入吹落
瓶中供佛花

六月六日孫蓮士助教招同孫子久周叔雲李蕪客集
募梅精舍同用杜少陵宿贊公土室第二首韻

禪居梧竹深入夏境彌靜屋小團湖隱窗虛納山影投閒來
故人這暑消暑永莫辭酒滿瓢不用轄投井葛巾涼自敬松
塵清可乘風遞孤磬圓日落一峰迴游蹤狎鷗鳧吟懷託箕

頽聊以娛道心更無事可屏仰見還山雲暝翠擁諸嶺鶴歸
松上巢梳翎側丹頂

九日東漚太史見贈次原韻

爛醉何辭倒百觚西風鑑曲上紅鱸一年高臥又重九幾度
看花成老夫乞酒不妨蓮社律打齋新足芋田租上方山翠
明如許看我尋詩笠影孤

夏日書懷

日長把卷就林阿竹放新梢鳥放歌跂脚臥游香世界建蘭
開比去年多

看經院

游山不知疲日暮有餘興穿雲攜瘦筇踏莎辨微徑蕭蕭秋
樹林煙中出孤磬香臺蒼蘚滋經閣丹花映寂坐虛白生觀

心得明淨纖月空際懸羣山倏已暝歸路沿風滿冷然滿清
聽

春曉

曉窗展卷閱楞嚴供佛鑪香取次添燕子也隨人起早一庭
花雨等開簾

暮春庵居

半畝閒園槿作笆數椽老屋趁谿斜安琴牀漏初添瓦臨帖
窗幽盡換紗憶昨手栽緣徑樹祇今眼見滿林花一春聊得
供心賞好約良朋與品茶

禪關日享水雲清老至惟求適性情乞火打柴燒破竈汲泉
拔筍作香羹尋巢舊燕忽雙過占樹新鶯時一鳴索句欲酬
春好處亂山飛翠入柴荆

幽絕琳宮鏡水西無心雲伴懶僧棲青藏虛閣千草木綠抱
開門一曲谿浮世漫言蕉底鹿空山不養枕邊雞今年更覺
生機好紫莧青蒲種滿畦

一雨林塘長綠陰閒憑雲榭散幽襟住山猶藉日強健閉戶
不知春淺深小破工夫縫笠手大生歡喜種花心吟邊莫道
貧如洗嶺上煙霞自古今

煮筍

大烹鮮筍作清供春味登盤勝晚菘莫遣園丁貧掘盡新梢
留養引清風

毓金

字古堂黃巖人大同寺僧
著禪餘集三卷詞一卷

台山梵響古堂幼喜清寂年十六投崇福
堂正錫老人祝髮受國清具戒性好吟詠
王映青序略古堂上人慧機幽悟定識潛融會雲遊天
台雁宕古越武林諸勝地所遇輒撫景成吟其意與所

到往往與禪
機相觸發

遊奉川雪竇寺

乳峰極高聳下開瞿曇室金碧如蓬萊
名山夢瑤闕錦鏡湮古池珠林照
今月巍然妙高臺俯瞰深無極面面削芙蓉
萬山環壁立膜拜石奇禪扶筇下層級
再陟千丈巖玉龍忽飛出無雨聞殷雷
非冬見晴雪誰傾天瓢水灑空無休歇
目眩倦欲回鐘吼煙林夕

贈國清寺心上人和阮芸臺中丞韻

流泉淨相隔梵唄雜松聲頓覺塵勞歇
翛然清趣生花垂高下架鐙閃短長檠
詩興和禪意沿谿流水橫

過天台十里沙洋相傳賈秋壑別墅遺址

村落蕭條十里沙惟餘流水與寒鴉
欲詢舊事無人說閒煞

幾叢紅蓼花

善培

號伴雲黃巖人福田寺僧著竹林清籟

北山詩續鈔伴雲自幼從予學詩所居室如王大蒼萬竹山房故詩極幽秀

嘯林先生過訪越宿而去

古寺罕人迹深篁鎖幽翠忽聞足音蹺翛然結夙誼禪坐談
無生彌天花雨墜妙哉華梵旨意洽道斯邃清談竟長夜一
鐙耿不寐朝梵起遠音聞根證初地松泉達幽韻苔壁參古
意願言屢信宿投冥資覩記胡為劇言別詩筒遠郵寄夕陽
人閉關幽歎託林吹

達源

字守齋甯海松隱居僧著守齋遺藁一卷

王起霞序略上人戒律精嚴而性尤嗜詩而壁之暇即搦管苦吟

台山梵響守齋結茆臥龍山麓足不人城市者三十年

晚眺

雨洗眾山出登臨眼界賒江聲秋樹合雲隴夕陽斜返犢前
峰路炊煙隔水家西風送寒信雁影落平沙

大川

號小默瑞安人
著四箴堂詩藁

朱壽保曰大川少善讀習儒書年二十餘忽棄去爲
僧歷游諸名勝歸挂錫於瑞安天王寺工書畫善醫

泊舟寶香山

輟棹香山下欲歸潮信遲鳴蟬出林表清磬落江湄月白推
篷坐衣涼帶露披然犀牛渚夜千載起相思

禪慧

字一加錢塘人
本姓周諸生

壬子冬晤眉生居士于萬松嶺十年前京邸舊交也越

日偕吳漱巖孝廉蔡春疇茂才過夕照禪寺見訪賦

長歌紀之時眉生再有北游兼以贈別

振衣曉上萬松巔突然有客來我前頻年不遇猶識呼之
卽應喜且顛中途幾至失交臂大笑擬拍洪崖肩憶昔偕君
客日下悲歌我亦驚四筵車茵吐激顯者怒狂名動地眾口
傳射策未點劉蕡筆草賦但賣相如錢歌兒舞女恣游狎青
衫烏帽殊翩翩彼此飢驅作賓客猪肝半累諸侯賢君走秦
關我入豫奇氣勃發因山川太華雲高崧嶽壯曾懷曠拓萬
古先故交屈指存者幾升沈顯晦紛變遷劉伶失意韓翊死
惟我與爾長流連山邱華屋發感喟瞬息幻滅如輕煙君卜
一第亦偶爾我遺塵世偏逃禪賈島客爲佛弟子僅餘瘦骨
空王憐龐公說偈獲我心毋以婚嫁增煩煎良朋邂逅快如
此詎非石上三生緣相看不覺老將至巖棲谷飲聊終焉門
園夕照闌精舍遲君煮茗歡周旋一訪再訪意良厚足音何

幸光林泉同時在座杼妙議吳蔡兩君方少年臨風玉樹皎
 無匹英姿氣象俱萬千高談雄辨情頗愜舊雨今雨同蟬聯
 所言未暢起欲別無計留客心懸懸知君指日舍我去短衣
 奮著金臺鞭解嘲但說老牙齒佳餅飽啖紅綾鮮歸來大好
 賦招隱西冷共泛煙波船

省空

字曼伊嘉興人著雲巢詩藁

余林日上人本姓鄭年十七披薙於梅里之慈義庵詩
 格雅潔如老鶴有閒意寒蟬共短吟僧歸黃葉路人語
 白雲谿薄雲浮雨色老樹鎖秋煙山氣博蒼樹江聲捲
 白鷗碧草淡無色黃花相對愁皆可入主客圖亦宋九
 僧之
 亞歟

秦谿道中

舟橫野渡暮煙深閒倚篷窗覓短吟秋老荻蘆花似雪一星
 漁火落江心

凌虛
號慈道人

緝雅堂詩話金庭玉堂瓊樓瑤林天台之麗也有若龍
湫雁湖與夫四谷百一峰之瓊壚嶽寄摹寫萬態神工
剗削則雁宕之奇冠絕東南矣余夙稔勝情往時讀山
志及茲二區輒為神往使車蒞止謂可暢遊迨身履其
境乃知窮幽極遠非信宿事既奉使有程又有司之供
張徒隸之趨承不容不郵昔乾隆開大典與朱文正公按
試經此自言由台至溫從大荆出芙蓉取道山中不迂
半程其所涉覽僅得石梁靈峰靈巖馬鞍及四十九盤
嶺耳暑短力劬雖龍湫之瀑未暇窺何論雁池余以已
丑冬遊雁宕明年春遊天台亦皆略涉蕃籬使知我者
謂某年月日某官使車過此嘗遊云爾孤雲野鶴來去
自由選得意處甚則收拾煙雲歸之常住如慈道人云
云可羨也昔人云天
下名山僧占多諒哉

結茆雁湖放筆得百言

飛錫青冥巔謂當後鳥馴寒蘆鳴秋瑟乃與鴻雁鄰造化弄
狡獪顛倒翻天淵何況寫萬象彫鏤費精神有時撥雲霧俯
拾皆奇珍淡宵罷唱梵惟恐驚龍天無以破孤寂我欲摘星

辰撒手擲下方散落成珠塵化為石供養幻相還推陳微妙
叵思議東望生朝啟

覺成 字省空一字虛臺烏程人

夏日即事

芳齋靜無事入夏晝逾長古樹侵書綠新篁繞屋涼試臨黃
絹字閒臥白雲牀一覺羲皇夢林梢挂夕陽

光定 字德芳號戒庵太平人小明因

寺僧著樓雲百首證我集一卷
黃巖縣志光定本姑蘇諸生幕遊四方不得志遂出家
太平與黃壺舟濬友善圓寂後壺舟為序樓雲百詠刻
之

台山梵響戒庵詩學四素老人書法亦神似如
顏魯公之學褚河南楊少師之宗歐陽率更也

呈鳳翔山館主人

雲窩欣結宇清谿環門前開門望南麓叢篠青連縣中有隱

君子避俗棲林泉對山澹思慮中酒稱聖賢園亭涉幽趣金石事雕鐫偶披石墨華臨池霏雲煙率真見高誼知命還樂天北面幸許我結此文字緣

自贈

一動何如靜勞生大是難有時行腳住隨處得心安月許禪關入經憑佛火看自開方丈地也作化城看

密源

字心禪平湖人本姓蔣著幻有山房閒吟

曉望

門啟朔風尖披衣立短檐樓高初日上橋滑凍霜黏寒鵲啄梅碎詩人尋夢甜禪房清似水枯坐喜安恬

曉起

曉鐘幾杵催殘夢涼月初沈室白時一種蕭閒真意味梅花

深處獨吟詩

念靜

字隱禪平湖人本
姓蔣著禪餘吟

贈一如上人

大地滿干戈浮生可奈何
貧交知己少新鬼故鄉多
隻影心偏遠雙親鬢已皤
何當攜骨肉情話坐煙蘿

晚晴候友

極目翠微外蒼涼斷雨痕
殘雲棲鳥道皓月挂漁邨
星氣白浮野水光寒到門
還期素心至談笑坐籬根

與楊明經

師白夜話

暝樹忽四合孤高流露光
鬪茶忘夜漏覓句冷詩囊
清磬閉杉閣瘦鐙搖竹房
諧談足幽興無夢到匡牀

達真

字善庭平湖
古宗庵僧

許仁杰日上人風度閒雅嘗學琴子徐綱齋先生所居拈花室裴儿縹緗絃誦不輟

拈花室聽絃齋先生彈琴

高人愛清興隔水攜琴來禪房值秋霽幽寂無纖埃冰絃信手理妙香靄蓮臺一彈復再鼓林下松風催古調欣入耳心神為之開曲終暮山紫凝望空徘徊

蔭在

字香谷號愷庵江蘇吳江人本姓皇甫烏程雙林寺僧著香谷集

山居

一雨過遠峰洗出莓苔骨返照入前村村幽綠未歇草木含餘暉茶煙裊如髮開軒納爽氣四面青突兀
崖斷石壁開清流貫巖穴錦礫照碧沙谿寒水澄澈亭亭白鷺鷺顧影自梳刷蕩漾空翠中迷離一點雪

妙蔭

字榮千臨海人著韻石編

楊振鎬曰榮公雖才逸響深入詩文三昧曾師名宿逸樵有拈花微笑之悟

客魯敬侯太史月湖齋賦贈

月湖之水明於練沈璧浮金光激盪遙吞八九雲夢澤直接
清虛廣寒殿一帶環城浸玉壺雙橋繞岸臨冰鑑中流島嶼
蓬闔浮四時風雨蛟龍見中有高人結草廬芒屨布襪標長
劔朝從菱市狎飛鳧暮向漁村數歸雁眼前富貴總浮雲螭
坳射策人曾羨拂衣長往賦歸來不數鑑湖賀祕監誰是當
年李謫仙延英引對宮袍豔我生何受俗人憐敝屣功名甘
困賤感君意氣白社中價增十倍龍門街烹茗聯吟傍月湖
月色湖光看不厭有時倦釣理蓴絲有時倚石拈花片隄邊
禽鳥舊知名共我夷猶情繾綣太乙蓮乘待故人詩成好爲
書紈扇

祖江字東林號葦波

西安彌陀寺僧
西安懷舊錄東林工書畫尤
好吟詩嘗寓西湖之雲林

中秋對月

萬里秋光月滿天心懷坦白悟身前詩人浪詠今何夕祇曉

尋常一樣圓

無言字素庵別號西院永嘉人本姓陳伴雲寺僧著雨花堂詩彙

次韻寄闡中法師

萬綠叢中接翠微故人何事久相違一谿新水秋前漲滿徑
殘花雨後飛惆悵獨吟清月夜勞思空坐釣船磯平原咫尺
音千里何日慈湖放棹歸

回光字一照諸暨人甯波天童寺僧著一拂吟二卷

寄龕乙志余以己亥夏有婺州之役買權蕭山選迨一
公云將遊金華三洞乞舟舟次自言會隸博士籍辛

西之鞋全家歿包村已既而免因披染甬江天童寺已

而挂單普陀之法雨寺逾三年矣解裝出其詩藁見示

大抵悟後之言寄興山水多可傳者一粟七律

一首蓋海外所作惜叩其姓氏含茹不自表也

緝雅堂詩話使者按部例得兼覽山川風土庚寅春余

按試甯波府屬事竣念道光中及近歲海疆得失之故

浙東門戶寄在鎮海因假普陀之遊欲周覽其形勢及

經由金雞招寶兩山入境入海見夫重關壘鑿守得其人真

天險也比涉山境展禮

普濟法雨兩寺瞻仰

地漢後始關於越中自昔號佳山水典午名賢倡為

杭赴甬必經於越使人應接不暇至今以為名言余所

題品山陰道上行蘭亭之秀固不待言蓋自泝錢清江

及遊如南鎮之雄菲洋白塔真不啻舟行畫圖即如西

一粟

失之交臂耶

以百數求交字禪可與談者卒卒不易得然亦安知無

氣欲少遜矣及觀于海眼界為之一拓又惜落伽名蓋

亞西湖之勝渡曹娥江則山之美往往而有清淑之

一公其人者

一粟身輕萬斛船東來併鉢總飄然春山齋粥空塵寢佛火
蒲團要夙緣百歲光陰悲逆旅幾人慧業話生天邇來聽得
潮音熟試酌醅醐灌鐵蓮

孫貞一

字又元龍
泉道士

緝雅堂詩話謝靈運石門詩凡二登石門最高頂一首
為永嘉之石門見漁洋詩話處處晉時並隸温州蓋
卽今青田之石門云余按試處屬會至其地謁劉文成
祠遺像猶存又元詩引謝客語頗叶羽士中不多觀也

石門懷劉伯溫先生

山棲對絕壁晨夕光景奇初轉洞元經復吟客子詩茫茫一
千載應運誕帝師勲業比子房今古無異詞留侯奮羸季誠
意起元衰佐命出一軌謀身乃遜之豈曰無神仙赤松不可
期我欲招白鶴與君同遨嬉

水上善

字秋白吳山道士
著高隱山樓詩鈔

兩浙輶軒續錄

卷五十一

同光孫貞一水上善

罍

八十一

鮑廷博序略秋白之詩
淡遠疏越得山川之助

再詠青衣洞天

我家青衣洞窈然居蒼麓迴環數朶山參差萬竿竹佳氣浮

鬱蔥白雲起空谷嚴冬藉新荷羣真有賸馥相傳先祖戴墨師冬月見數句

者以新荷葉包冷炙踞地會食招同坐卻之忽復不見石罅才容舸一泓清可掬更聞

青衣童短篙沐寒綠誌載洞中有青衣童子刺船而出遂以命名古松棲白鶴芳

草眠馴鹿俛仰成幾塵且把丹經讀

訪洞霄宮二首

欲訪飛仙迹閒來叩石扉燒丹遺竈冷搗藥夜禽飛志搗藥禽乃孫

真人遺蹟古洞何年闢高人不可希相逢多道侶指點采樵歸

洞口夕陽多長松帶綠蘿荒碑迷醉眼敲路界殘沙修竹迎

風笑清流春碓過幾能重到此幽興復如何

讀沈道初鍊師詩彙

醉後簾垂人寂靜
夢餘香裊意蕭騷
新詩莫與他人讀
只恐西泠紙價高

蔡敬一

字小誕自號胡盧道人
仁和紫虛道院道士

金露香徐蕙唐過訪不值留詩次韻奉答

南嶽歸來日未斜
洞門寂寂鎖煙霞
喚回鶴夢三千歲
手種碧桃剛著花

與郭春浦

維新夜飲

劍花燭花暖欲流
吸盡三百玻璃甌
噉月倒行吹鐵笛
與君騎鶴上揚州

黃鶴

字含山一字青霞鳥程人吳山
元妙觀道士著雲壺山房詩集

府志黃鶴清癯鶴立鬚飄飄然有畫意後以病風跛一
足自號跛道人幼居龍虎山中年始還杭州通曉科儀

符籙尤瀾于詩賦蠶詞至百首述其鄉飼蠶器具時候
晴雨宜忌甚詳善飲工畫蘭竹兼通莊老之學吳山書
肆有褚伯秀南華經義海籌致力不能購假歸手錄竟
一一百六卷所居遭吳回之災生平撰述蕩為灰燼晚年
課蒙自給卒以窮死法裔仰青
嶼為刻燼餘藁亦其鱗爪而已

題顧菴厓山居讀書圖

讀書飲酒居名山何物更入曾懷閒奇書萬卷酒萬斛羲皇
以上同其閒豈無野老共吟嘯每與魚鳥相往還菴厓先生
嗜書史非聖所著終不取靜掩柴扉木榻穿道人之意亦如
此浮雲舒卷流水清別有天地移人情一編獨坐太古寂但
聞謾謾松風鳴

雲墟山房納涼同胡葑塘作

雲生水面晴疑雨風落松梢夏亦寒一片蟬聲無覓處教君
數盡碧琅玕

王喬年

字鳴遠仁和奉真院道士

杭郡詩續輯喬年精于繪事慣作設色花卉極豔有致

題秋色小景

孤根遲發異尋常穠豔還如錦繡張不倚東風嬌映日王孫

秋館自芬芳

沈青黎

吳山圓磬山房道士

漫興

窗外清風來嶺上白雲宿翠影入疏簾蕭蕭數竿竹

張謙

字雲槎海鹽道士善補梅居士吟藁

海鹽縣志謙自幼出家於城隍廟及長熟精元理兼通儒術工詩善書畫四方名宿咸樂與訂交輯歷朝道家

詩為方壺合編

夏日田園雜興

乍收白雨晚涼天
扁豆棚低溼翠鮮
喜與鄰翁拌一醉
囊中尚有賣瓜錢

自述

不嫺塵世事松竹掩柴關
老鶴慣棲樹孤雲慵出山
賴貧諸慮淡因拙此生閒
莫問延年術丹砂豈駐顏

周道昱

字靜涵烏程廣惠宮道士著補閒吟草

秋日行谿上

常愛谿灣轉竹林了無塵事礙幽尋
隨身賸有紅藤杖作伴依然綠綺琴
孤鶴自梳雲外翻小鷗不改夢中心
如何一片清寒地裝點東籬十萬金

沈鶴懷

字守愚平湖道士

許仁杰曰守愚能詩善飲嘗學畫於閩中李杏天丈善寫煙雨之景其水墨雲龍尤為獨絕非其人雖饋多金

不肩也惟知交誼以酒則欣然爲之道光辛卯募資重建長生橋三月而竣其急公任事類如是

贈道友劉小海

竹影青搖薜荔牆空庭曬藥趁斜陽松花滿地無人埽野鶴一聲秋氣涼

郭長彬

字去勝平湖人松廬山房道士

石澗山房詩話去勝母夢呂祖授桃食之而生年十三從邑廟許自修入道及長受穹窿施諒生正法遊句曲龍虎山得五雷法歷著奇驗訪道名山蹤迹徧天下至京師棲白鶴道院院爲邱長春蟬蛻之所去勝起道場于院中四十餘日將滿忽易新衣巾沐浴焚香端坐而逝拜者接踵豫親王至瞻禮爲龕以葬題曰拂袖白雲張京江相國顏日長春接軌後弟子孫楚鶴迎龕南歸啟之顏色如生仍葬于松廬道院後

憶松廬山房舊居

門外春流碧一灣樓真會此掩雙關十年悔插紅塵腳安得身騎白鶴還

賀

炳

字松庵自號雲濤散人德清人著拾古吟月軒存藁南村草堂集杖藜集

朱重光曰師本名家子性耽閒逸隱于黃冠以琴書自娛吟詠不輟或請丹鼎之術師曰吾解塵縛住此惟意所適不知拘束若參元坐功是解一縛增一縛矣所著詩朱先生笠亭為付梓

五禽言

泥滑滑泥滑滑了卻蠶桑秧要插披簑戴笠把耬犁水滿車
溝不用踏阿翁田邊大笑歸今年青苗長尺八願得秋成十
倍收不似去年無升合

鶉鴝鶉鴝今年偏是雨水多蠶絲不熟空采桑麥苗爛
死漂江河阿婆無布縫被袴新婦無食哺雛雞釜中煮粥不
盈杓門前有吏來催租

脫卻布袴脫卻布袴換得青錢三百箇酒家一醉歸去來
冷無煙日已暮搜索箱籠去典衣羅衫斷領褻腰破大家枵

腹上休眠明朝再聽天分付

不如歸去不如歸去蜀道蠶叢高幾許撥霧撩雲一望鄉接
天關塞難飛渡十年霜雪老荆川鏡中白髮生朝暮窺窗明
月海東來好送生魂歸故土

行不得也哥哥行不得也哥哥百二十日風雨多春天活計
成蹉跎三月新絲賣已無五月新穀完陳租去年旱災無可
那不知天道今如何

訪褚敏元不遇

不見神仙客翻憐浪子遊山光銜曉月雲影掩江樓殿角鐘
鳴午林邊葉報秋孤帆天際出或恐是歸舟

集南村草堂次盧鼎言韻

老來衰骨帶煙霞小築茅堂自立家籬插一千竿翠竹庭栽

十二樹梅花風來簾幕香全落月到闌干影半斜狂客醉喧
多故態慎無驚去晚棲鴉

陸宣公故宅

松竹繁陰處蕭條野老家蠶房懸夜月蛛網吸朝霞苔滑雲
根亂檐疏燕子斜人傳內相府風雨泣黃麻

穆清風

號朱霞太
平道士

緝雅堂詩話出武林西泛茗谿皆舟行定難以來賢牧
宰休養生息桑陰被岸一望掩翳既富而教此其時矣
至若水色山光遙瞻近囑蓬窗敲枕可當臥游殊令人
憶鑑湖畫舫比近湖府經碧浪湖涼波澈底湖漾可飲
夕陽表塔暝嵐倚空知為道場山何山朗吟吳蘭次吳
越雙峰出湖山一塔尊句為之神旺試事既竣乃携賓
從載酒登臨僂用大蘇韻各賦一詩以紀勝遊客有誦
穆道人詩者色蒼氣古不啻先我而言遂輟不復作第
命書人錄副以行編詩既就
爰亟登之為游方之外者殿

上元甲子歲首發自故山經明聖湖句留旬月將覽具

區之勝道出吳興登道場山何山次宋蘇內翰韻

我來朝辭天台麓轉木梳驚初出谷踏徧南高北高峰不恃
青鸞恃白足脈循兩戒游汗漫龍飛天目何屈蟠送我颿風
入茗嘗聽水三日聞迴湍窳堵波穿蒼鷲出平湖碧浪鋪瑤
席此時滄海又良田滿眼條桑見新植渺然一蠶點仙鬢身
在虛無縹緲閒題詩會染老髯筆得姓從看典午山山三水
七成震且水月山風各分半汪汪三萬八千頃奇觀會發望
洋歎

兩浙輶軒續錄卷五十一